

آبونه شرائطی : هریر ایچون
 سنه لکی (۴۰۰) آلتی آیلغی
 (۲۲۵) ممالک اجنیه ایچون
 سنه لکی (۴۵۰) آلتی آیلغی
 (۲۵۰) غروشدور.

نسخه سی ۷,۵ غروشدور .
 سنه لکی ۵۰ عددور .

اداره خانه : باب عالی جاده سنده
 رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
 قبول اولنور . درج ایدله یین
 یازیلر اعاده اولماز .

الدوره

آدره من تبدیلنده ایرلیجه
 غروش کوندرملیدر .

مکتوبلرک امضالری واضح
 و او قوناقلی اولسی و آبونه
 صره نومروسی محتوی
 بولونسی لازمدور

ممالک اجنیه ایچون آبونه
 اولانلرک آدرسلرینک
 فرانسزجه یازلسی رجا اولنور .

پاره کوندرلدیکی زمان نهیه
 دائر اولدیغی ییلدیلسی
 رجا اولنور

اتبعون اهدکم سبیل الرشاد

صاحب و مدیر
 اشرف ادیب

باش محرر
 محمد ماکف

والله یهدی من یشاء الی صراط مستقیم

قوانین دولته اطاعت لازمدر

مسلمان قادیانری بارلره کیده جکرمی ، کیده میه جکرمی ؟ شانوره چیقهرق آقزیسلاک ایدم جکرمی ، ایدم میه جکرمی ؟ دیرکن بر تیاترو قومپانیه سی آل چابوقانی یاپه رق ۶ کانون اول کیجه سی بک اوغلنده واریه ته تیاروسند بر امر واقع حصوله کتیرمک مقصدیه بر قاچ تورک قادیانی آقزیس اوله رق صحه میه چیقاردی .

شعائر اسلامییه ، اخلاق و آداب عمومییه کلیاً مغایر اولان و بناء علیه قانوناً افسال ممنوعه دن بولونان بو حادته قارشوسنده کرک پولیس مدیرینک ، کرک مدعی عمومیه بک نه کی تشبثات و تعقیباته بولوندیغنه دائر هنوز بر خبر آله مادیق . دینی دین اسلام اولان دولتمزک قانونلری بو کی احوالی قطعاً تجویز ایتدیکی ، بالعکس منع ایلش اولدینی حالده بر تیاترو قومپانیسی شعائر اسلامییه ، اخلاق و آداب عمومییه ، و بونلرک محافظه سنی تکفل ایدن قوانین دولته قارشو ناصیل تجاوزده بولونه بیلیر ؟ بوراسی جداً موجب حیرتدر . او کیجه تیاتروده اجنبی مخبرلری ده بولونمش و بو حادته نی تلغرافلره اوروپا به بیلدیرمشلرا مسلمانلرک حسیاتی بک اایم بر صورتده رنجیده ایدن بو حادته حقنده فضله برشی سویله میه لزوم کورمیوروز . امید ایدرزک حکومت ، بر تیاترو قومپانیاسنک منفعتی ایچون قوانین دولتی چکنه تمه به جک و قلوب اسلامییه بی تأثر و انفعال ایچنده بر اقایه جقدرد .

تورکستان:

کیمسه سز قالاده بکرمی بری بک هر موره . — تایمس غزته سینه یازیلو : تورکستانک یاتخی اولان « طاشکند » شهرندن موسقوایه کن بر تلغرافنامه ده قحطک کیتدکجه توسع و روس اهالینک یوزده طقسانی آج اولدینی بیلدیرلمکده در . کویلولو و قیرغیزلر بیه جک بولق ایچون شهرلره هجرت ایدیورلر ، چونکه اورنبوغ — طاشکند شمندوفر خطی کافی درجه ده ارزاق نقل ایدم میور . برلی اهالی آرمسند و فیات یوزده قرق بولمشدر . اون ایکی یاشندن اوراق چوجوقلری اعاشه ایچون آچیلان « اطفال یوردی » ارزاقسزلقدن قابولرینی قاپامش اولدیفندن بوراده کی بکرمی یدی بیک بیوایه چوجوک روسیه به سولترینه مجبوریته کورلمکده در . [۱] تورکیه دن بورایه کن مأمورلر هر طرفده اهالی بی روسیه علیه تحریک ایدیورلر . ارزاق و ادویه توزینه مأمور اولانلر اوزاق کویله کیتمکه قورقیورلر . یوللر اشقیایله دولودر . روسیه دن کوندیریلن ارزاق تزیید ایدلر سه قیشک نهایته قدر اهالینک یوزده قرق قیرلمش اوله جقدرد . [۱] سبیل الرشادک کچن هفته کی (قومونیزم وادیان) مقاله سنده بو خصوصده تفصیلات واردی .

سبیل الرشادک هر قارئ لاقول ایکی کیشی بی دها بونه قید ایدر سه مجموعه مزک نشری خصوصنده بک بویوک لطفده بولونمش اولورلر .

شهرزاده باشی : اوقاف اسلامییه مطبعه سی

واعظ ، خطیب و مرشدلر مز واردر که هبی السانلری الله یولنه دعوته وقف حیات ایتشلردر .

بوندن باشقه بوسنه هجریه نک یاشندن اعتباراً ، بر طرفدن اجنبی دشمنلرینک تجاوزاتنه ، دیگر طرفدن جاهل دوستلرینک ضلالتلرینه قارشو جبهه اسلامی مدافعه ایتک ایچون بر مجموعه دینه نشرینه و بوسورتله بو حوالیده ساکن الی میلیون مسلمانک احتیاجاته کفایت ایتمین مکتب و مدرسه لرمزک اکسیکلکشی تلافیه باشلادق . مجموعه مز بر طرفدن اساسات حقیقه اسلامییه بی ایضاح ، دیگر طرفدن دشمنلرک اسلامه هجوم ایتک ایچون استنادگاه اتخاذ ایتدکری موضوع و کاذب احادیثی تشهیر ایدم جکی کی احکام قرآنییه مطبق اولان احادیث نبویه بی ده نشر ایله به جکدر .

مجموعه مز هم لسان قرآن ایله ، هم ده مالای لسانیه آیری آیری ایکی نسخه اولارق انتشاره یاشلامشدر . مسلمان قردشلر مزدن رجاسه شوردکه متفکرلری فکرلریه ، عالملری علملریه ، زینکینلری ثروتلریه بزه یاردم ایدرک شرق بیدده مسلمانلرک و مسلمانلرک خلاصه یاردم ایتسینلر . «

جاواده بویله بر مجموعه اسلامییه نک انتشاره یاشلامسی بوتون مسلمانلری بمنون ایدم جکنه شبهه یوقدر . مسلمانانه و مسلمانلره قارشو درلو درلو ضلالت جریانلری احداث ایتمکده اولان میسیونر تشکیلاتنه قارشو جاوامسلمانلرینک کوستردکاری بو فعالیت جداً موجب شکراندر . مجموعه مباحث مفیده بی محتویدر . ناشرلری تبریک و موفقیتلرینی تمنی ایلر .

قره سی مبعوثی ایله ملاقات

قره سیده چیقان ظفر ملی غزته سنک قره سی مبعوثلرندن و خلق فرقه سی اعضاسمندن خلوصی بک ایله یابدینی ملاقاتک شایان دقت قسملرینی بروجه آتی نقل ایدیوروز :

- ذات عالیکز محافظه کاری ، یوقسه لیه رال و یا رادیقال میسکز ؟
- عنعنات دینییه و ملییه اساساتیه قابل تألیف اولق شرطیه تجد و ترقیه طرفدارم .
- مملکتک ، یعنی موکلرینک احوال روحیه و حسیات دینه و ملییه حقنده کی قناعت و تدقیقاتکزه در ؟
- دائرة انتخابیه اهالی محترمه سنک صلابت دینه لری و حسیات ملییه یوکسک ، بر بوطیلری و احوال روحیه لرنده میل تعالی و فضیلت بند کزده بک اسکیدن تأسس ایتش بر قناعت اولدینی کال شکرانله هر زمان بر آورده زباندرد .
- منع مسکرات قانوننک تعدیل حقنده کی فکر یکز ؟
- منع مسکرات قانوننک تمامی تطبیقنه و حتی تشدیدنه طرفدارم . دیگر قره سی مبعوثلری آرقداشلرم ده عینی فکرده درلر . قانونک معنوی و مادی فوائدینی تفصیل نیجه زائددر .
- مبعوثلرک موکلرینک تعدیل طرفدار اولدیفنه ذات عالیکز قانع میسکز ؟
- شرها حرام اولان مسکرات استعمالنی منع ایدن قانونک تعدیلنه بر اسلام مملکتی اهالینک اکثریتله طرفدار اوله جفی ظن ایتم . مع مافیه بعض مطالعات اقتصادییه بناء تعدیلاته طرفدار اولانلر ده واردر . قناعتنه کلنجه : دائرة انتخابیه مک محترم خلقنک قانون حاضرک تمامیه لهنده اولدقلرینه امین .
- مجلسک و خلق فرقه سنک (لائیک) بر صورتده مساعیسته دوام اولنه جنی بعضیله نجه ادعا اولنیور ، نه دیرسکز ؟
- حکومت مزک دین رسمیه سی اسلامدر . عقائد و عنعنات دینییه بالخاصه مجلسک رهبریدر . لائیک صورتده مساعی سبق ایتهمش و ایتیه جکدر .
- بناء علیه بحث اولونان ادعا وارد دکدر .